

礼仪典

禮儀典第二百四十八卷

名宦鄉賢祀典部彙考

漢

昭帝元鳳元年詔韓福等五人不幸者祀以中牢 按漢書昭帝本紀元鳳元年三月賜郡國所
選有行義者涿郡韓福等五人帛人五十匹遣歸詔曰朕閔勞以官職之事其務修孝悌以教鄉里
令郡縣常以正月賜羊酒不幸者賜衣被一襲祠以中牢

後漢

明帝永平二年十一月甲申遣使者以中牢祠蕭何霍光帝謁陵園過式其墓 按後漢書明帝本
紀云云

章帝建初七年冬十月西巡狩幸長安丙辰遣使者以中牢祠蕭何霍光 按後漢書章帝本紀云
云

安帝延光三年閏十月乙未遣使者祠太上皇於萬年以中牢祀蕭何曹參霍光 按後漢書安帝

古今圖書集成
本紀云云

桓帝延熹八年夏四月丁巳壞郡國諸房祀 按後漢書桓帝本紀云云 房謂祠堂也王渙傳曰

時唯密縣存故太傅卓茂廟洛陽留令王渙祠

後主景耀六年詔立丞相諸葛亮廟於沔陽 按三國蜀志後主傳不載 按宋書禮志劉禪景耀六年詔爲丞相諸葛亮立廟於沔陽先是所居各請立廟不許百姓遂私祭之而言事者或以爲可立於京師乃從人意皆不納步兵校尉習隆中書侍郎向允等言於禪曰昔周人懷召伯之美甘棠爲之不伐越王思范蠡之功鑄金以存其像自漢興以來小善小德而圖形立廟者多矣況亮德範遐邇勳蓋季世興王室之不壞實斯人是賴而烝嘗止於私門廟象闕而莫立百姓巷祭戎夷野祀非所以存德念功述追在昔也今若盡從人心則瀆而無興建之京師又逼宗廟此聖懷所以惟疑也愚以爲宜因近其墓立之於沔陽使所屬以時賜祭凡其故臣欲奉祠者皆限立廟斷其私祀以崇正禮於時從之

元帝太興元年詔高德名賢未旌錄者條列以聞 按晉書元帝本紀太興元年十二月癸巳詔曰
漢高經大梁美無忌之賢齊師入魯修柳下惠之墓其吳之高德名賢或未旌錄者其餘條列以聞
孝武帝寧康三年復祀臯陶於廷尉仍用社日 按晉書武帝本紀不載 按禮志故事祀臯陶於
廷尉寺新禮移祀於律署以同祭先聖於太學也故事祀以社日新禮改以孟秋之月以應秋政擊
虞以爲按虞書臯陶作士師惟明克允國重其功人思其當是以獄官禮其神繫者致其祭功在斷
獄之成不在律令之始也太學之設義重太常故祭於太學是崇聖而從重也律署之置卑於廷尉
移祀於署是去重而就輕也律非正署廢興無常宜加舊祀於廷尉又祭用仲春義取重生改用孟
秋以應刑殺理未足以相易宜定新禮皆如舊制何

宋

文帝天嘉二十六年三月遣使祭晉故司空忠肅公何無忌之墓 按宋書文帝本紀云云

孝武帝大明五年詔遣使致祭故太保王弘豫章文侯王曇首墓所 按宋書孝武帝本紀不載

按王弘傳大明五年車駕遊幸經弘墓下詔曰故侍中中書監太保錄尚書事揚州刺史華容文昭

公弘德猷光邵監識明遠故散騎常侍左光祿大夫太子詹事豫章文侯曇首夙尚恬素理心貞正並綢繆先眷契闊屯夷內亮王道外流徽譽以國圖令勛民思茂惠朕薄巡都外瞻覽墳塋永言想慨良深於懷便可遣使致祭墓所

北魏

孝文帝太和十有八年春正月癸亥車駕南巡戊辰經比干之墓祭以太牢 按北魏書孝文帝本紀云云

太和十有九年九月壬辰遣黃門侍郎以太牢祭比干之墓 按北魏書孝文帝本紀云云

宣武帝正始元年六月戊辰詔立周旦夷齊廟於首陽山 按北魏書宣武帝本紀云云

隋

煬帝大業二年詔自古賢人君子立祠以時致祭 按隋書煬帝本紀大業二年五月乙卯詔曰旌表先哲式存饗祀所以優禮賢能顯彰遺愛朕永鑒前修尙想名德何嘗不興歎九原屬懷千載其自古來賢人君子有能樹聲立德佐世匡時博利殊功有益於人者並宜營立祠宇以時致祭墳塋

之處不得侵踐有司量爲條式稱朕意焉

唐

太宗貞觀四年九月壬午禁芻牧於古明君賢臣烈士之墓 按唐書太宗本紀云云 按舊唐

書太宗本紀貞觀四年九月壬午勅自古賢臣烈士墳墓無得芻牧令春秋致祭

貞觀七年詔以少牢祭杜如晦等之墓 按唐書太宗本紀不載 按舊唐書太宗本紀貞觀七年

十二月丙辰狩於少陵原詔以少牢祭杜如晦杜淹李綱之墓

高宗顯慶二年冬十月遣使祭鄭大夫國僑漢太丘長陳寔墓 按唐書高宗本紀不載 按舊唐

書高宗本紀云云

麟德二年祭紀信墓 按唐書高宗本紀不載 按文獻通考麟德二年車駕將封岱嶽至滎陽頓

祭紀信墓贈驃騎大將軍

元宗開元十九年四月丙申立太公廟 按唐書元宗本紀云云 按禮樂志開元十九年始置太

公尙父廟牲樂之制如文宣出師命將發日引辭於廟仍以古名將十人爲十哲配享 按舊唐

書元宗本紀開元十九年夏四月丙申令兩京及天下諸州各置太公尙父廟以張良配享春秋二時仲月上戊日祭之

按冊府元龜開元十九年四月壬辰詔兩京及天下諸州各立太公廟一所制曰乾坤沖用陰陽所以運行帝王大業文武所以垂範故四序在乎平分五材資於並用式稽乾坤之意載明文武之道永言嘉章斯典未洽自我而始爰備闕文昔義皇立弧矢之象黃帝有甲兵之事將以定禍亂濟生靈分二柄而齊設配兩儀而共久至若用之以仁義行之以禮樂龍豹卷舒而莫測星辰應變而無方誰其尸之則齊太公之道也故宣尼大聖立文以成化尙父惟師仗武而弘訓齊魯之道列親賢之教興鬱爲政源崇我王業遂使金石之奏永播於蹲龍之庭烝嘗之享不行於非熊之室文武並設斯不然矣豈王風云季禮沒於前修將帥是尊慶彰於今日式崇大典垂裕後昆宜令兩京及天下諸州各置太公尙父廟一所以張良配享春秋二時取仲月上戊日祭諸州賓貢武舉人准明經進士行鄉飲酒禮每出師命將辭訖發日便就廟引辭仍簡取自古爲將功業顯著康濟生人者十人准十哲例預享

天寶六載詔諸州武舉人上省先謁太公廟

按唐書元宗本紀不載

按禮樂志云云

天寶七載詔忠臣義士各立廟致祭 按唐書元宗本紀不載 按冊府元龜天寶七載五月詔曰式閭表墓追賢紀善事有勸於當時義無隔於異代其忠臣義士史籍所載德行彌高者所在置一祠宇量時致祭

肅宗上元元年追封太公爲武成王祭同文宣 按唐書肅宗本紀上元元年閏四月己卯追封太公望爲武成王 按禮樂志上元元年尊太公爲武成王祭典與文宣王比以歷代良將爲十哲象坐侍秦武安君白起漢淮陰侯韓信蜀丞相諸葛亮唐尙書右僕射衛國公李靖司空英國公李勣列於左漢太子少傅張良齊大司馬田穰苴吳將軍孫武魏西河守吳起燕昌國君樂毅列於右後罷中祀遂不祭 按冊府元龜上元元年詔曰定禍亂者必先於武德極生靈者諒在於師貞周武創業克寧區夏惟師尙父實佐興王况德有可師義當禁暴稽諸古昔爰崇典禮其太公望可追封爲武成王有司依文宣王置廟享祭之典一同文宣

德中建中二年有司奏定張良等十人配享武成王廟 按唐書德宗本紀不載 按冊府元龜建中二年五月有司奏定張良穰苴孫武吳起樂毅白起韓信諸葛亮李靖李勣配武成王廟先是開

元十九年始於兩京置齊太公廟以張良配乾元中追封齊太公爲武成王令選歷代名將從祀然未之行祠宇日荒至是宰相盧杞京兆尹盧湛以盧齊之裔乃鳩其裔孫若盧崔丁呂之族合錢以崇飾之請擇自古名將如孔門十哲皆配享詔下史官乃定稷苴等至是始奏定焉

建中三年詔武成王廟以名將六十四人配享 按唐書德宗本紀不載 按禮樂志建中三年禮儀使顏真卿奏治武成廟請如月令春秋釋奠其追封以王宜用諸侯之數樂奏軒縣詔史館考定可配享者列古今名將凡六十四人圖形焉越相國范蠡齊將孫臏趙信平君廉頗秦將王翦漢相國平陽侯曹參左丞相絳侯周勃前將軍北平太守李廣大司馬冠軍侯霍去病後漢太傅高密侯鄧禹左將軍膠東侯賈復執金吾雍奴侯寇恂伏波將軍新息侯馬援太尉槐里侯皇甫嵩魏征東將軍晉陽侯張遼蜀前將軍漢壽亭侯關羽吳偏將軍南郡太守周瑜丞相婁侯陸遜晉征南大將軍南城侯羊祜撫軍大將軍襄陽侯王濬東晉車騎將軍康樂公謝元前燕太宰錄尚書太原王慕容恪宋司空武陵公檀道濟梁太尉永寧郡公王僧辯北齊尚書右僕射燕郡公慕容紹宗周大冢宰齊王宇文憲隋上柱國新義公韓擒虎柱國太平公史萬歲唐右武侯大將軍鄂國公尉遲敬德

右武衛大將軍邢國公蘇定方右武衛大將軍同中書門下平章事韓國公張仁亶兵部尙書同中書門下三品中山公王峻夏官尙書同中書門下三品朔方大總管王孝傑齊相管仲安平君田單趙馬服君趙奢大將軍武安君李牧漢梁王彭越太尉條侯周亞夫大將軍長平侯衛青後將軍營平侯趙充國後漢大司馬廣平侯吳漢征西大將軍夏陽侯馮異建威大將軍好時侯耿弇太尉新豐侯段熲魏太尉鄧艾蜀車騎將軍西鄉侯張飛吳武威將軍南郡太守孱陵侯呂蒙大司馬荊州牧陸抗晉鎮南大將軍當陽侯杜預太尉長沙公陶侃前秦丞相王猛後魏太尉北平王長孫嵩宋征虜將軍王鎮惡陳司空南平公吳明徹北齊右丞相咸陽王斛律光周太傅大宗伯燕國公于謹右僕射鄭國公韋孝寬隋司空尙書令越國公楊素右武侯大將軍宋國公賀若弼唐司空河間郡王孝恭禮部尙書聞喜公裴行儉兵部尙書同中書門下三品代國公郭元振朔方節度使兼御史大夫張齊丘太尉中書令尙父汾陽郡王郭子儀

貞元二年罷武成廟亞聖十哲之名 按唐書德宗本紀不載 按禮樂志貞元二年刑部尙書關播奏太公古稱大賢下乃置亞聖義有未安而仲尼十哲皆當時弟子今以異時名將列之弟子非

類也請但用古今名將配享去亞聖十哲之名自是唯享武成王及留侯而諸將不復祭矣

貞元四年詔武成廟以將軍爲獻官 按唐書德宗本紀不載 按禮樂志貞元四年兵部侍郎李

紆言開元中太公廟以張良配以太常卿少卿三獻祝文曰皇帝遣某敢昭告至上元元年贈太公以王爵祭典同文宣有司遂以太尉獻祝版親署夫太公周之太師張良漢之少傅今至尊屈禮於臣佐神何敢歆且文宣百世所宗故樂以宮縣獻以太尉尊師崇道也太公述作止六韜勳業著一代請祝辭不進署改昭告爲敬祭留侯爲致祭獻官用太常卿以下百官議之多請如紆言左司郎中嚴浚等議曰按紆援典訓尊卑之節當矣抑猶有未盡夫大名徽號不容虛美而太公兵權奇計之人耳當殷之失德諸侯歸周遂爲佐命祀典不云乎法施於人則祀之如仲尼祖述堯舜憲章文武刪詩書定禮樂使君君臣臣父父子子皆宗之法施於人矣貞觀中以太公兵家者流始令磻溪立廟開元漸著上成釋奠禮其進不薄矣上元之際執事者苟意於兵遂封王爵號擬文宣彼於聖人非倫也謂宜去武成王號復爲太公廟奠享之制如紆請刑部員外郎陸淳議曰武成王殷臣也紆暴不諫而佐周傾之夫尊道者師其人使天下之人入是廟登是堂稽其人思其道則立節死義

之士安所奮乎聖人宗堯舜賢夷齊不法桓文不贊伊尹殆謂此也武成之名與文宣偶非不利之典也臣愚謂罷上元追封立廟復礪溪祠有司以時享斯得矣左領軍大將軍令狐建等二十四人議曰兵革未靖宜右武以起忠烈今特貶損非勸也且追王爵以時祠爲武教主文武並宗典禮已久改之非也乃詔以將軍爲獻官餘用紆奏自是以上將軍大將軍將軍將軍爲三獻

遼

聖宗統和十六年以耶律休哥留守南京禦宋有功詔立祠於南京以祀之 按遼史聖宗本紀不載 按續文獻通考云云

道宗清寧 年詔立耶律曷魯及子質祠於上京祭享 按遼史道宗本紀不載 按續文獻通考道宗清寧間以耶律曷魯佐太祖創業有功詔立祠於上京又以子質調和太后定世祖之位免穆宗於難有誅賊之功詔上京立祠祭享樹碑以記之

壽隆五年以舊臣姚景行忠賢詔爲立祠 按遼史道宗本紀不載 按續文獻通考云云

宋

太祖建隆三年九月壬申修武成王廟 按宋史太祖本紀云云 按禮志昭烈武成王自唐立太公廟春秋仲月上戊日行祭禮上元初封爲武成王始置亞聖十哲等後又加七十二弟子梁廢從祀之祭後唐復之太祖建隆三年詔修武成王廟與國學相對命左諫議大夫崔頌董其役仍令頌檢閱唐宋以來謀臣名將勳績尤著者以聞

乾德元年七月丁卯幸武成王廟 按宋史太祖本紀云云 按禮志建隆四年帝幸廟歷觀圖壁

指白起曰此人殺已降不武之甚何受享於此命去之

按本紀建隆四年十一月改元乾德

開寶三年詔詳前代功臣烈士勳業置守冢禁樵采各有差 按宋史太祖本紀不載 按文獻通

考開寶三年十月詔前代功臣烈士宜令有司詳其勳業優劣以聞有司言齊孫贍晏嬰公孫杵臼燕樂毅漢曹參陳平韓信周亞夫衛青霍去病霍光蜀主劉備關羽張飛諸葛亮唐房元齡長孫無忌魏元成李靖李勣尉遲敬德渾瑊段秀實等皆勳德高邁爲當時之冠晉趙簡子齊孟嘗君趙奢漢內吉唐高士廉唐儉岑文本馬周爲之次南燕慕容德唐裴寂元稹又其次詔孫贍等各置守冢三戶趙簡子等各兩戶悉蠲其役慕容德等禁樵採其有爲盜賊所發者皆具棺槨朝服以葬掩坎

日致祭長吏奉其事

開寶六年詔許州修晁錯廟 按宋史太祖本紀不載 按文獻通考云云

眞宗咸平元年辰州言漢伏波將軍新息侯馬援廟水旱祈禱有應詔封新息王 按宋史眞宗本紀不載 按文獻通考云云

咸平四年詔修張全義祠及諸葛亮廟 按宋史眞宗本紀不載 按文獻通考咸平四年詔西京修後唐河南尹張全義祠堂遣使益州諸葛亮廟

景德四年二月己巳幸西京經漢將軍紀信塚司徒魯恭廟贈信太尉恭太師癸酉置國子監武成王廟戊子加號列子增封唐孝子潘良璩及其子季通墓仍禁樵採 按宋史眞宗本紀云云

按文獻通考景德四年贈漢將軍紀信爲太尉後漢司徒魯恭爲太師以唐刑部尙書白居易孫利用爲河南府教授常令修奉墳塋影堂又令鄭州給唐相裴度守墳三戶

大中祥符元年十一月戊午追諡齊太公曰昭烈武成王令青州立廟周文公曰文憲王曲阜縣立廟 按宋史眞宗本紀云云 按文獻通考大中祥符元年十月詔曰周文公旦制禮作樂誕稟

聖賢煥乎舊章垂之千載今以上封岱岳按蹕魯郊遊覽遺風緬懷前烈始公胙土實惟是邦故其嗣君得用王祭而祠宇未設闕孰甚焉特議褒崇以申旌顯可追封文憲王於曲阜縣建廟春秋委本州長吏致祭

大中祥符四年二月乙酉詔葺夷齊祠

按宋史真宗本紀云云

按文獻通考大中祥符四年

祀汾陰駐蹕河中府令訪伯夷叔齊廟遣官致祭緣路名臣祠廟神帳畫壁並加葺治禁唐相婁師德墳墓樵採

仁宗慶曆四年五月壬申幸武成廟

按宋史仁宗本紀云云

按禮志初建隆議升歷代功臣二

十三人舊配享者退二十二人慶曆議自張良管仲而下依舊配享不用建隆升降之次

神宗元豐三年詔前代百辟卿士載於祀典者皆不名

按宋史神宗本紀不載

按文獻通考云

云

元豐四年五月戊申封晉程嬰爲成信侯公孫杵臼爲忠智侯立廟於絳州

按宋史神宗本紀云

云

按文獻通考元豐四年承議郎吳處厚言程嬰公孫杵臼保全趙孤乞加封爵詔河東河北

漕臣訪其祠墓嬰封成信侯杵臼封忠智侯立祠於墓側載之祠典判應天府張方平言司農寺近降新制募人承買祠廟然闕伯主祀大火爲國家盛德所乘微子開國于宋亦本朝受命建號所因張巡許遠以孤城死賊能捍大患請免此三廟以稱國家嚴奉之意詔司農寺鬻天下祠廟辱國黷神莫此爲甚可亟寢之令開封府劾官吏以聞

元豐六年正月丙午封三閭大夫屈平爲忠潔侯 按宋史神宗本紀云云

元豐 年武成廟三獻官皆本監官充之 按宋史仁宗本紀不載 按禮志元豐中國子司業朱服言釋奠文宣王以國子祭酒司業爲初獻丞爲亞獻博士爲終獻太祝奉禮並以監學官充及上戊釋奠武成王以祭酒司業爲初獻其亞獻終獻及讀祝捧幣令三班院差使臣充之官制未行武學隸樞密院學官員數少故差右選今武學隸國子監長貳丞簿官屬已多請並以本監官充攝行事仍令太常寺修入祀儀

哲宗元祐五年九月丁酉詔定州韓琦祠載祀典 按宋史哲宗本紀云云 按文獻通考元祐五年定州請以韓琦祠載祀典從之又詔相州商王河宣甲冑沂州顏真卿墓並載祀典

元祐七年詔賜唐韓愈潮州廟爲昌黎伯廟賜唐柳宗元羅池廟爲靈文廟又詔蘇州吳泰伯廟以
至德爲額 按宋史哲宗本紀不載 按文獻通考云云

元祐八年賜安州雲夢縣楚令尹鬬穀於菟子文祠爲忠應廟封崇德侯 按宋史哲宗本紀不載
按文獻通考云云

紹聖三年六月癸亥真定立趙普廟 按宋史哲宗本紀云云 按文獻通考紹聖三年詔德州

漢大中大夫東方朔廟以達隱爲額又封辯智侯西京左藏庫使榮州刺史趙思齊請立韓王普廟
於真定府從之

元符三年以韓厥從祀于祚德廟 按宋史哲宗本紀不載 按文獻通考元符三年臣僚言按史
記言韓厥之功不在程嬰杵臼之下請於祚德廟設位從祀從之

徽宗崇寧元年六月癸丑詔封伯夷爲清惠侯叔齊爲仁惠侯 按宋史徽宗本紀云云

宣和五年定武成廟從祀七十二將 按宋史徽宗本紀不載 按禮志政和二年武學諭張滋言
詩云赫赫南仲維師尙父文武吉甫顯允方叔王命召虎程伯休父是均爲周將功著聲詩今昔所